

鍼灸大成

卷壹部

九

九

重刊鍼灸大成敘

今夫人受天之氣以生者
也天有四時五行九經九
緯以成其三百六十周天
之數而人之一身脈絡聯
貫部位錯陳無不與之相

配善觀天者必爲之考其
躔次酌其分野定其徧備
愆伏而後歲差分至之理
可以察幾微而鑑毫末醫
之於人也亦然古之人精
求於水土燥溼之宜熟晰

乎時令生剋之故聆音辨
色表裏洞然舉止聲咳皆
有以見其湊理而得其病
根之所在宜鍼者用鍼宜
灸者用灸得心應手脗合
無間俾數十年沉痾固疾

如醉得醒如厭得寤如羈
絆得解脫蹶然起劃然蘇
而不自知其奏效之神一
至於此蓋古人醫學確有
淵源內外兼資藥石互用
如是其全且備也今人專

究大方單心脉訣砭灸之
傳槩置不講久矣間有一
二從事焉者則世又以管
窺蠡測目之不得與內科
專門名家者齒而此一二
人亦自相安於術之小藝

之卑墻據方言目營耳食
敝敝焉苟且以卒業問以
經穴之起止骨絡之向背
與夫周身三百六十之躔
度而茫乎不知其畔岸也
浩乎不知其津涯也漫然

以試之姑且以嘗之顛倒
下上以意逆之取生人百
年自有之命決驗於俄頃
呼吸之間幸而效則矜爲
已功不幸而不效則藉口
於氣數之莫可如何而不

任受過無怪乎疫癘日以
盛天札日以多而陰陽乖
沴之氣且濱尋交戰而未
有已也余昔脩員山右每
閱楊繼洲鍼灸大成一書
觀其叅合指歸彙考同異

斐分節晰州次部居抉奧
闡微條貫井井探之而益
淡索之而益遠如大河之
源出於崑崙至於積石又
至於龍門厓柱旣乃吞吐
百川以達於海見者但驚

其瞬息萬狀而不知其一
往漩洑固猶是千古不易
之定位也涖政餘暇業已
採輯羣芳廣蒐祕要付之
剞劂公諸海內爲斯道暗
室之一燈矣二十年來鞅

掌仕路南北奔馳舊板漫
漶兼多殘齟不全乃復取
原本手自編摩細加讐校
按圖索解雖一字一畫不
敢少自假易重命梓人復
光斷簡世之有志斯業者

覽諸家之玄妙辨百症之
源流循其指法運以心裁
壽域偕登春臺並陟太和
元氣熙熙然涵育於生成
覆載中上以佐
君相燮理之猷下以溥黎

庶安全之福叅兩大而列
三才余將於岐黃家有厚
望焉寧僅青囊世業云爾
哉

康熙庚申春月江西督糧
道叅政古藩李月桂重訂

於德鄰軒

針灸大成目錄

一卷

仰人周身總穴圖

伏人周身總穴圖

針道源流

針灸方宜始論

以下至刺法論俱素問

刺熱刺瘡論

刺欬刺腰痛論

奇病論

刺要刺齊論

刺志長刺節論

皮部經絡骨空論

刺水熱穴論

調經繆刺論

經刺巨刺論

手足陰陽流注論

衛氣行論

診要經絡論

刺禁論

刺法論

難經難經本義

二卷

周身經穴賦醫經小學

百症賦聚英

標幽賦楊氏註解

席弘賦針灸大全

金針賦楊氏註解

王龍賦聚英

通玄指要賦楊氏註解

靈光賦針灸大全

蘭江賦楊氏集

流注指微賦竇氏

三卷

五運六氣歌醫經小學

百八法歌神應經